

戰國策詳註
第一冊

戰國策詳註 卷一

吳縣郭希汾輯註
吳興王懋校訂

戰國策詳註

上海文明書局印行

例言

戰國策一書。漢代已無完本。劉光祿校定之三十三篇。是時去戰國之世未遠。已歎爲錯亂相糅。迨宋曾鞏、蘇頌、錢藻、孫朴、劉敞、姚宏、鮑彪、元吳師道之倫。皆有所校定。其書或傳或不傳。惟姚氏之書。雜采諸家。攷訂精覈。允推善本。鮑氏之書。勇於改字。識力所及。足解癥結。吳氏合姚鮑二家。互相參校。而雜引他書以證。亦有可觀。本編卽以姚氏爲主。間亦有改從鮑吳者。蓋善善從長。固不必姝姝守一氏之說也。

太史公作史記。多原本此書。用字異者。或可據以是正。如魏公子朱已作无忌。卽改從史記也。

註此書者。向惟高誘一家。然高註亡佚已久。

四庫書目提要謂惟二卷至四卷六卷至十卷爲高氏原注餘皆姚氏所補注

姚氏

所補。多主參校。卽尋常選讀之本。註釋多有未確。本編旁引羣書。博采衆家。要無一字無來歷。以的當爲歸。其所不知者。不敢妄作解人。以俟宏博。

書中畧借之字。如已作以。能作而。否作不。固作故。以及則通爲卽。而通爲如。本編並註明之。其爲後人羈入之字。如臣作思。亦一律改正。

單同錄
此書向無音切。且篇簡譌脫。文字漫漶。至有不可句讀者。本編悉心斟酌。加以圈點。輔以乙勒。凡遇難識之字。異讀之音。詳加音切。以便誦讀。

戰國策目錄

東周第一

西周第二

秦一第三

秦二第四

秦三第五

秦四第六

秦五第七

齊一第八

齊二第九

齊三第十

齊四第十一

齊五第十二

齊六第十三

楚一第十四

楚二第十五

楚三第十六

楚四第十七

趙一第十八

趙二第十九

趙三第二十

趙四第二十一

魏一第二十二

魏二第二十三

魏三第二十四

魏四第二十五

韓一第二十六

韓二第二十七

韓三第二十八

燕一第二十九

燕二第三十

燕三第三十一

宋衛第三十二

中山第三十三

右定著三十三篇

護左都水使者光祿大夫臣向言。所校中戰國策書。中書餘卷。錯亂相糅。莠又有國別者八篇。少不足。臣向因國別者。略以時次之。分別不以序者。以相補除。復重得三十三篇。本字多誤脫爲半字。以趙爲肖。以齊爲立。如此字者。多中書本。號或曰國策。或曰國事。或曰短長。或曰事語。或曰長書。或曰脩書。臣向以爲戰國時游士。輔所用之國。爲之策謀。宜爲戰國策。其事繼春秋以後。訖楚漢之起。二百四十五年間之事。皆定以殺青。書可繕寫。敍曰。周室自文武始興。崇道德。隆禮義。設辟雍。泮宮庠序之教。陳禮樂弦歌移風之化。敍

人倫。正夫婦。天下莫不曉然論孝悌之義。惇篤之行。故仁義之道。滿乎天下。卒致之刑錯四十餘年。遠方慕義。莫不賓服。雅頌歌詠。以思其德。下及康昭之後。雖有衰德。其綱紀尙明。及春秋時。已四五百載矣。然其餘業遺烈。流而未滅。五伯之起。尊事周室。五伯之後。時君雖无德。人臣輔其君者。若鄭之子產。晉之叔向。齊之晏嬰。挾君輔政。以並立於中國。猶以義相支持。歌說以相感。聘覲以相交。期會以相一。盟誓以相救。天子之命。猶有所行。會享之國。猶有所恥。小國得有所依。百姓得有所息。故孔子曰。能以禮讓爲國乎。何有。周之流化。豈不大哉。及春秋之後。衆賢輔國者既沒。而禮義衰矣。孔子雖論詩書。定禮樂。王道粲然分明。以匹夫無勢。化之者七十二人而已。皆天下之俊也。時君莫尙之。是以王道遂用不興。故曰。非威不立。非勢不行。仲尼既沒之後。田氏取齊。六卿分晉。道德大廢。上下失序。至秦孝公。捐禮讓而貴戰爭。弃仁義而用詐譎。苟以取強而已矣。夫篡盜之人。列爲侯王。詐譎之國。興立爲強。是以轉相放效。後生師之。遂相吞滅。并大兼小。暴師經歲。流血滿野。父子不相親。兄弟不相安。夫婦離散。莫保其命。湣然道德絕矣。晚世益甚。萬乘之

國七千乘之國。五敵侔爭權。蓋爲戰國。貪饕无耻。競進無厭。國異政教。各自制斷。上無天子。下無方伯。力功爭強。勝者爲右。兵革不休。詐僞並起。當此之時。雖有道德。不得施謀。有設之強。負阻而恃固。連與交質。重約誓結。以守其國。故孟子孫卿儒術之士。弃捐於世。而游說權謀之徒。見貴於俗。是以蘇秦張儀公孫衍陳軫代厲之屬。生從橫短長之說。左右傾側。蘇秦爲從。張儀爲橫。橫則秦帝。從則楚王。所在國重。所去國輕。然當此之時。秦國最雄。諸侯方弱。蘇秦結之時。六國爲一。以賓背秦。秦人恐懼。不敢闕兵於關中。天下不交兵者二十有九年。然秦國勢便形利。權謀之士。咸先馳之。蘇秦初欲橫。秦弗用。故東合從。及蘇秦死後。張儀連橫。諸侯聽之。西向事秦。是故始皇因四塞之固。據崤函之阻。跨隴蜀之饒。聽衆人之策。乘六世之烈。以蠶食六國。兼諸侯。并有天下。杖於謀詐之弊。終於信篤之誠。無道德之教。仁義之化。以綴天下之心。任刑罰以爲治。信小術以爲道。遂燔燒詩書。坑殺儒士。上小堯舜。下逐三王。二世愈甚。惠不下施。情不上達。君臣相疑。骨肉相疎。化道淺薄。綱紀壞敗。民不見義。而懸於不寧。撫天下十四歲。天下大潰。詐僞之弊也。其比王

德豈不遠哉。孔子曰。道之以政。齊之以刑。民免而無恥。道之以德。齊之以禮。有恥且格。夫使天下有所恥。故化可致也。苟以詐僞偷活取容。自上爲之。何以率下。秦之敗也。不亦宜乎。戰國之時。君德淺薄。爲之謀策者。不得不因勢而爲資。據時而爲畫。故其謀扶急持傾。爲一切之權。雖不可以臨國教化。兵革救急之勢也。皆高才秀士。度時君之所能行。出奇策異智。轉危爲安。運亡爲存。亦可喜。皆可觀。護左都水使者光祿大夫臣向所校戰國策書錄。

戰國策詳註

卷一

東周

東周，鞏也。今河南鞏縣。西周，河南也。今河南洛陽縣。西北故王城是。考王初立，封其弟揭於河南，是爲河南桓公。歷傳威公、惠公，惠公復自封其少子班於鞏，以奉王，號東周。因自號爲西周。班沒，

亦諡惠。傳子昭文君，於是東西各爲列國。王雖在東周，特建空名，策稱周君，皆指東西二周之君。至赧王立，始徙都西周。

秦興師臨周

周顯王三十三年

而求九鼎。周君患之，以告顏率。音律顏率曰：「大王

勿憂。臣請東借救於齊。」顏率至齊，謂齊王曰：「夫音扶下同秦之爲無道也，欲

興兵臨周，而求九鼎。周之君臣內自畫計與秦，不若歸之大國。夫存危國，美

名也。得九鼎，厚寶也。願大王圖之。」齊王大悅，發師五萬人，使陳臣思將去聲

以救周。而秦兵罷。齊將求九鼎。周君又患之。顏率曰：「大王勿憂。臣請東解

之。」顏率至齊，謂齊王曰：「周賴大國之義，得君臣父子相保也。願獻九鼎，

不識大國何塗之從而致之齊。」齊王曰：「寡人將寄徑於梁。」顏率曰：「一

不可。夫梁之君臣欲得九鼎，謀之暉臺之下，少海之上。其日久矣。鼎入梁，必

不出。」齊王曰：「寡人將寄徑於楚。」對曰：「不可。楚之君臣欲得九鼎，謀

之於楚。音攝庭之中。其日久矣。若入楚，鼎必不出。」王曰：「寡人終何塗之從。」

而致之齊。顏率曰：「弊邑固竊為去聲下同大王患之。夫鼎者，非效醢音醢壺醬

鯀耳。可懷挾提挈，以至齊者，非效鳥集鳥飛兔興馬逝灑然止於齊者。昔

周之伐殷，得九鼎。凡一鼎而九萬人輓之，九九八十一萬人。士卒師徒器械

被具，所以備者稱去聲此。今大王縱有其人，何塗之從而出？臣竊為大王私憂

之。」齊王曰：「子之數入聲來者，猶無與耳。」顏率曰：「不敢欺大國，疾定所

從出，弊邑遷鼎以待命。」齊王乃止。

註釋 九鼎夏禹收九州之金，鑄為九鼎，遂以為傳國之重器。顏率周人。齊王齊宣王。內自畫周之君臣，在內自相計畫也。大國

指齊，陳臣思齊臣，即田臣思。陳田皆齊公族，一作田。何塗之從猶言從何塗也。寡人諸侯自謙之詞，猶言寡德之人。

也，禮曲禮，諸侯與民言自稱曰寡人。寄徑猶言借途也。少海一作沙海，今河南開封縣北有沙海。葉庭葉，今河南葉縣，一作章華之庭。徐廣曰：華容，今湖北監利。

縣，效學也，音醋。輿小口，輿也。輿動也，逝也。灑然流貌，以喻鳥鳥兔馬之行也。得九鼎左傳宣公三年，王孫滿曰：商紂暴虐，鼎遷於周。

成王定鼎於郊，鄒卜世三十，卜年七十，天所命也。輓前牽，練帛也，以帛綴甲，步卒服之。數頻數也。猶無與耳言子之數來，猶之不以鼎予齊也。疾速也。

所從出言周所從出鼎之路也。

秦攻宜陽。周赧王七年，周君謂趙累曰：「子以為何如？」對曰：「宜陽必拔也。」

君曰：「宜陽城方八里，材士十萬，粟支數年。公仲之軍二十萬，景翠以楚之

衆臨山而救之。秦必無功。」對曰：「甘茂羈羈，音旅也。攻宜陽而有功，則周公

旦也。無功，則削迹於秦。秦王不聽羣臣父兄之義，而攻宜陽。宜陽不拔，秦王

恥之。臣故曰：拔。」君曰：「子爲去聲寡人謀且奈何？」對曰：「君謂景翠曰：『

公爵爲執圭，圭，同。官爲柱國，戰而勝，則無加焉矣。不勝，則死。不如背秦，援宜陽，

公進兵。秦恐公之乘其弊也，必以寶事公。公中通慕公之爲，去聲已乘秦也。亦

必盡其寶。」秦拔宜陽。景翠果進兵。秦懼，遽效煑棗。韓氏果亦效重寶。景翠

得城於秦，受寶於韓，而德東周。

〔註釋〕

宜陽

韓地，故城在今河南宜陽縣東。

趙累

周人。

公仲

韓相國，名侈。

景翠

楚將，景氏，姓楚之公族。

甘茂

下蔡人，爲秦將。

羈旅

羈，寄也。旅，客也。言寄居作客之人也。

周公旦

周公名旦，武王弟，言拔宜陽，則功大如周公旦也。

削迹

猶言不能居也。莊子：「削迹於衛。」

秦王

秦武王。

不聽

羈旅。

羣臣父兄之義

茂攻宜陽，五月而不拔，擣里疾，公孫夷爭之。武王不從，悉起兵佐茂。

且

將也。

執圭

圭，王者以封諸侯之玉。上圓下方。

柱國

楚官名。

背後也。援拔也。慕思也。效貪也。獻也。

煑棗

案：煑棗在今山東濰縣西南。魏策：蘇子說魏王曰：「大王之壘，東有淮，潁沂黃煮棗，海鹽無疎，則煮棗當爲魏地。秦無由獻之也。」

德東周

感東周之德也。

〔三〕東周與西周戰。韓救西周。爲去聲東周

爲上宜有人字而策中如此類者甚多。

謂韓王曰：「西周者，

故天子之國也。多名器重寶。案兵而勿出，可以德東周。西周之寶可盡矣。」

東周與西周爭。西周欲和於楚韓。齊明謂東周君曰：「臣恐西周之與楚韓寶。令之爲己求地於東周也。不如謂楚韓曰：『西周之欲入寶持二端。今東周之兵不急西周。西周之寶不入楚韓。』楚韓欲得寶。卽且趣我攻西周。西周寶出。是我爲楚韓取寶以德之也。西周弱矣。」

註釋

案頓可以德東周

使東周感韓之德也

齊明

東周臣

持二端

謂不一定也

不急西周

不急攻西周也

且趣也。將催促也。

四東周欲爲稻。西周不下

去聲下同

水。東周患之。蘇子謂東周君曰：「臣請使西

周下水可乎。」乃往見

現音

西周之君曰：「君之謀過矣。今不下水。所以富東

周也。今其民皆種

去聲下同

麥。無他種矣。君若欲害之。不若一爲

去聲

下水。以病其所

種。下水。東周必復

去聲下同

種稻。種稻而復奪之。若是。則東周之民可令一仰西

周而受命於君矣。」西周君曰：「善。」遂下水。蘇子亦得兩國之金也。

註釋

欲爲稻

稻穀類之植於水田者。有粳糯二種。欲爲稻。欲種稻也。

西周不下水

河洛二水。西周皆居上流。然非可壅以專利者。當是陂堰之水蓄以

灌溉者也。

一爲下水

爲東周一下水也。

病困也。

五昭獻在陽翟。周君將令

平聲下同

相

去聲下同

國往。相國不欲。蘇厲爲

去聲

之謂周君曰：

「楚王與魏王遇也。主君令陳封之楚。令向公之魏。楚韓之遇也。主君令許鮑本作葉公之楚。令向公之韓。今昭獻非人主也。而主君令相國往若其王在陽翟。主君將令誰往？」周君曰：「善。」乃止其行。

〔註釋〕

昭獻

楚相國。據史記索隱及集解。謂即昭魚亦即昭奚恤。

陽翟

韓地。今河南禹縣。

蘇厲

洛陽人。蘇秦弟。

主君

指周君。

陳封向

公

皆周臣。

〔六〕秦假道於周以伐韓。

周赧王八年。

周恐假之而惡。

去聲下同。

於韓不假而惡於秦。史鰌

謂周君曰：「君何不令人謂韓公叔曰：『秦敢絕塞而伐韓者。信東周也。公

何不與周地。發重使。

去聲。

使之楚。秦必疑。不信周。是韓不伐也。』又謂秦王曰：

『韓強』

上聲。

與周地。將以疑周於秦。寡人不敢受。』秦必無辭而令周弗受。是

得地於韓而聽於秦也。」

〔註釋〕

史鰌

即史厭。

周君

案史記註。作西周武公。非東周也。

韓公叔

史記集解。徐廣曰：一作何。應劭曰：氏姓譜云：以何姓為韓後。

絕塞

絕。過也。渡

也。塞。國中。阨險之處。

重使

令重臣為使也。

聽於秦

聽命於秦也。

〔七〕楚攻雍氏。

周赧王三年。

周赧

音張。

秦韓楚王怒周。周之君患之。為

去聲。

周謂楚王曰：「以

王之強而怒周。周恐必以國合於所與粟之國。則是勁王之敵也。故王不如

速解周恐彼前得罪而後得解必厚事王矣

註釋

雍氏

韓地故城在今河南扶溝縣西南

周赧秦韓

赧糧也言周以糧米與秦韓也時秦使庶長助韓故曰秦韓

楚王

懷王熊槐

所與

粟之國

指秦韓

勁王之敵

勁強也言使王之敵強盛也

速解

速解其怒也

周最

音聚

謂石禮曰「子何不以秦攻齊臣請令齊相

去聲

子以齊事秦必

無處矣子因令周最居魏以共之是天下制於子也子東重於齊西貴於秦

秦齊合則子常重矣」

註釋

周最

周之公子

無處

處猶病也鮑本作慮

周相

去聲下同

呂倉見

音現

客於周君前相工師藉恐客之傷已也因令人謂周

君曰「客者辯士也然而所以不可者好去聲毀人」

周文君免工師藉相呂

倉國人不說

通悅

也君有閔閔之心謂周文君曰

此呂倉之客謂周文君也

一國必有誹譽

忠臣令誹在己譽在上宋君奪民時以為臺而民非之無忠臣以掩蓋之也

子罕釋相為司空民非子罕而善其君齊桓公宮中七市女閭七百國人非

之管仲故為三歸之家以掩桓公非自傷於民也春秋記臣弑君者以百數

皆大臣見譽者也故大臣得譽非國家之美也故眾庶成彊同增積成山」